

| <b>Uddâivemáánu</b> |   |
|---------------------|---|
| Uddâvuodpeivi 1.1.  | <ul style="list-style-type: none"> <li>○ Jis uddâvuod' peeivi vuástásii iijâ uáinojen valjeest täásnih te puátá šiev lyemeihe.</li> <li>○ Jis iä lah täásnih teikkâ láá uccáá täásnih te puátá hallaihe.</li> </ul> |
| Heeihâpeivi 19.1.   | <ul style="list-style-type: none"> <li>○ Piäivâš päštiškuát Anarist.</li> </ul>   |
| Paavvâlpeivi 25.1.  | <ul style="list-style-type: none"> <li>○ Jis Paavvâl peeivi lii pivvâlis šonjâ te talle lii meiddei pivvâlis tâlvi.</li> <li>○ Jis Paavvâl peeivi lii korrâ puolâš te talle lii ubâ tâlvi koolmâs.</li> </ul>       |

| <b>Kuovâmáánu</b> |   |
|-------------------|---|
| Kinttâlpeivi 2.2. | <ul style="list-style-type: none"> <li>○ Tovlááh sämmiliih peskidii saavzâi tâlviulloid meddâl.</li> <li>○ Tovlááh sämmiliih tohhi Reisvuonmääđhi.</li> <li>○ Tovlááh sämmiliih rahtâtskuottii tâlvikoddepiivdon.</li> <li>○ Motomij kâldei miel di kuobžâ jurgâlât nube iärtán.</li> </ul>   |
| Maatipeivi 24.2.  | <ul style="list-style-type: none"> <li>○ Tâlvi lii pelimuddoost adai täälvi čielgi tuáijoo.</li> <li>○ Kuobžâ jurgâlât tâlvikuádistis nube iärtán.</li> <li>○ Maatipeivi puurgah äälgih.</li> <li>○ Tovle ráávdu juonjâstem aalgij já piištij jienâi vyelgimân.</li> <li>○ Njäh pivdo puoh pyeremuš muddoost (nuuvâi Máárjâpeivi).</li> </ul> |

| <b>Njuhčâmáánu</b> |   |
|--------------------|---|
| Máárjâpeivi        | <ul style="list-style-type: none"> <li>○ Tovlááh anarâšah varriistâlškuottii tâlvipaihijnis kiddâtâlviorroomsoojijd.</li> <li>○ Motomeh vuolgii merâkyelipiivdon Varjâgân já maccii jonsahpeeivi.</li> <li>○ Jis ovdláhháá Máárjâpeivi taha njäabi te talle puátá kuhes já korrâ kiddâ.</li> <li>○ Jis taha njäabi Máárjâpeivi maŋa te kiddâ lii uánihub</li> <li>○ Jis Máárjâpeivi maŋa lii vala kossâ muotâ te talle kodeh ucâluveh tuoddâráid</li> <li>○ Sämmiliih eteh, ete njuhčâ puátá njuuvčuálpâš sielgist</li> <li>○ Piäivâš pástâ "koldâkeejist koldâkiáčán" (kuávsui ubâ iijâ sehe iijâ já peivi siämmáá kukkosiih)</li> </ul> |

| <b>Cuánuimáánu</b> |  |
|--------------------|--|
| 12.-14.4.          | <ul style="list-style-type: none"> <li>○ Suvijjâh (Julianus 12.4./Justinus 13.4./Tiburtius 14.4.) Talle njábbá.</li> <li>○ Jis suvijjâh láá čuáskimeh te toh pišteh oovtmano Irjánpeeivi räi.</li> </ul>   |
| Irjánpeivi 23.4.   | <ul style="list-style-type: none"> <li>○ Maggaar šonjâ lii Irjánpeeivi te taggaar tot lii ubâ kiidâ.</li> <li>○ Jis Irjánpeeivi vuástásâš iijâ lii njábbi te láá njábbi-iijah 30 pirrâmpeivid tast ovdâskulij.</li> <li>○ Jis Irjánpeeivi vuástásâš iijâ lii koolmâs te kolmâ iijâh pišteh 30 pirrâmpeivid.</li> <li>○ Irjánpeeivi táválávt šuávlee já tolehumoseh kesilodeh älgih potálid.</li> <li>○ Kiddâarveh älgih já vuossâmuuh pievlâtiálkuh iteh tuoddâráid já värivieltijd.</li> <li>○ Motomijn sâmikuávluin eteh, ete irjánpeivi lii majemuš suvijjâ.</li> </ul> |

| <b>Vyesimáánu</b>   |   |
|---------------------|---|
| Válburpeivi 1.5.    | <ul style="list-style-type: none"> <li>○ Vuosmuš vyesi šadda já talle meiddei lii távjá purgâšonjâ (vuásášpurgâ).</li> <li>○ Jis čuánjâ puátá ovdil Válburpeevi te tälvišoonjah iä pište innig kuhháa.</li> <li>○ Tovle Válburpeevist ovdâskulij aalgij kudij kiddâpivdo já tot piištij jonsahpeevi räi.</li> <li>○ Pešnirihhááš puátá čuánjâ suájá vyelni.</li> <li>○ Anarist eteh, ete pešnirihhááš puátá iðedist já čuánjâ ehidist.</li> </ul> |
| Ruossâmâspeivi 3.5. | <ul style="list-style-type: none"> <li>○ Jis ruossâmâspeivi njábbá te keesi puátá forgâ .</li> <li>○ Jis ruossâmâspeivi puolâšt te talle kolmâšoonjah jotkašuveh 40 peivid ovdâskulij.</li> <li>○ Ruossâmâs-peevist ovdâskulij áálduh älgih kyeddið.</li> </ul>   |
| Eirohpeivi 18.5.    | <ul style="list-style-type: none"> <li>○ "Kiehâ kokká, čuhčá kihá, ruopsisvuásáš ruávgá, mäihličääci kolgá, pessi njala, suávvil kodá já kumppi ráhtá viälppáid".</li> <li>○ Jis Erkki lii päidi pajalist te Urpo lii turkkâ pajalist (já nubijpelij).</li> <li>○ Maggaar šonjâ Eirohpeevi, taggaar šonjâ pištá kuittâg oho.</li> <li>○ Muáddi oho Eirohpeevist ovdâskulij vuásku, puško já suávvil algátteh kuuddâm.</li> </ul>                  |
| Urpo peivi 25.5.    | <ul style="list-style-type: none"> <li>○ Lostâmuorâin urbeh iteh.</li> <li>○ Jis Erkki lii päidi pajalist te Urpo lii turkkâ pajalist (já nubijpelij).</li> </ul>   |

| <b>Kesimáánu</b> |   |
|------------------|---|
| 21.6.            | <ul style="list-style-type: none"> <li>○ Kesipeivijorgâldâh. Peivi páštá pirrâmppeivi já jorgeet oppeet siävnyád kulij.</li> </ul>  |
| jonsahpeivi      | <ul style="list-style-type: none"> <li>○ Maggaar šonjâ lii jonsahpeevi te taggaar lii kiddâ Jáákuppeevi räi.</li> <li>○ Jonsahpeiviohhoost potákkeh kalvojuvvojii já meccijavrij pivdo aalgij.</li> <li>○ Čuoská puátá "kuovttijn sobbijn" já tondiet puásui älgá palgâð te kesimärkkum piäsá älgid.</li> <li>○ Jonsahpeevist ovdâskulij luáštojuvvojii majemuuh vuájááneergih luovâs.</li> </ul> |
| jonsahpeiviokko  | <ul style="list-style-type: none"> <li>○ Jonsahpeevi korrâ almeh ađai jienjâvâldimpiegah posoškyettih.</li> </ul>   |

| <b>Syeinimáánu</b> |   |
|--------------------|---|
| 18.-24.7.          | ○ Nisonij okko, kuás táválávt ain arva.   |
| 23.7. - 23.8.      | ○ "Kuocâmáánu" ađai pennuu peeivih, kuás häävih kuaccágeh heerkiht já puáránem pištá kuhheeb, meiddei purrámušah pillášuvveh jis ij lah kiállár teikká jienâskäppi (kuocâmáánu lâi keesi lieggâsumos äigi).<br>○ Tovlááh ulmuuh uskuu, ete pennuuh pyeccih "kuocâmáánu" aalgâst já poreh tondiet suoinijd vâi puárániččii. Anarâš kalender mielđi pennuu peeivih láá 15-28.7.   |
| Jáákuppeivi 25.7.  | ○ Jáákuppeivi suulân tovlááš ulmuuh algii pivdeđ čuocâčuánjaid.<br>○ Jáákuppeivi "kievâ čuddui tarván lyeme já tot jaska kukkâmist".<br>○ Lyemepoortijd já pecinoođijd koolgâi valmâštiđ ovdil Jáákuppeivi tondiet ete ton maņa korrâ ij innig njoollâs luovâs (puártti lii peesist valmâštum litte).<br>○ Oho ovdil Jáákuppeivi tovlááh anarâš puásuiulmuuh iäruuttellii poccuidis já algâttii áalđui paččeem. Tavesämmiliih algâttii siämmáá pargo oho Jáákuppeivi maņa.<br>○ Vuáskun räjivuojâm lii puoh pyeremuš muddoost já talle kodeh puoh stuárráamuš vuáskunijd. |
| Unikekopeivi 27.7. | ○ Jis unikekopeivi (naversekkâpeeivi) lii arvešonjâ te siämmáálágáneh šoonjah pišteh 7 okkod.<br>○ Jis unikekopeivi lii šiev šonjâ te piäiváduvvâh pišteh 7 okkod.  |
| Olsohpeeivi 29.7.  | ○ Tovlááš puásuianarâšah já eres-uv pajeulmuuh algii usâstállâđ vuájáán- já kädiserjijdis.<br>○ Lyeme álgá laddâđ já toвле ulmuuh algii nijtteđ kiedijdis já suánjunijtoidis.<br>○ Kamuvsuonij čuoppâm álgá.  |

| <b>Porgemáánu</b>       |   |
|-------------------------|---|
| Lauripeivi 10.8.        | ○ Táválávt puátá vuosmuš puolâšijjâ. Jis lii liegâs te ubâ čohčâ lii liähmus.<br>○ Kuávžur já ráávdu kuudđâm álgá tavemuš kuávluin.   |
| Ivváarpeivi 22.8.       | ○ Jis Ivváariijâ lii eennâm piccum te puátá kuhes já mučis čohčâ.   |
| Pärdipeivi 24.8.        | ○ Pärdipeiv-okko, mast čohčâ álgá: Vuosmuuh suáviuh ruškodeh já idedist eennâm lii távjá piccum.<br>○ "Pärdipeiv almeh" ađai korrâ piegah já arvešoonjah.<br>○ Maggaar šonjâ lii Pärdipeeivi te taggaar ubâ čoovčâ. |
| Porgemáánu majemuš okko | ○ Nommâohoh älgih. Vuosmuš okko: puásui-ihe álgá já vuáskun meini álgá leđe purâttettee.  |

| <b>Čohčâmáánu</b>    |  |
|----------------------|--|
| Čohčâmáánu 1. okko   | <ul style="list-style-type: none"> <li>○ Koskâmuš-okko. Rávdu já kuávžur kuuddâv Aanaar kuávlust.</li> <li>○ Iänááš kesilodeh älgih rahtáttâđ máádás.</li> <li>○ Poccui palgâm nohá já vuárkkámuorjij nuurrâm álgá.</li> </ul>   |
| 8.9.                 | <ul style="list-style-type: none"> <li>○ Puáris kirkkoive Máárjápeivi já Máárjámessu. Tavesämmilijn kildee-Máárjá okko álgá, mii meerhâš tom, ete loostah fiskodeh já räasih ruškodeh.</li> </ul>  |
| Čohčâmáánu 2. okko   | <ul style="list-style-type: none"> <li>○ Viisnii-okko. Kolmâ šooŋah sättih puáttid.</li> <li>○ Tovle potákkijd kolgii kuáivuđ piäldust ovdil viisniiho.</li> <li>○ Tovlááš ulmuuh vuolgii viisnii markkânáid.</li> <li>○ Tááláá äägi ortodoksijn Veeznáioikko 14.-20.9.</li> </ul> |
| Čohčâmáánu 3. okko   | <ul style="list-style-type: none"> <li>○ Matsmes-okko. Puáris Maati (Matteus) peivi 21.9.</li> <li>○ Ruške lii puoh pahamus muddoost, eennâmlodeh irrâseh já kyeli patârâm čieŋâlâsân.</li> <li>○ "Lostâvâldimpiegah" ađai korrâ arveh já šletteeh.</li> </ul>                     |
| Čohčâmáánu 4. okko   | <ul style="list-style-type: none"> <li>○ Mikkâlmâs-okko. Roovvâd álgá.</li> </ul>  |
| Mikkâlmâspeivi 29.9. | <ul style="list-style-type: none"> <li>○ Jis Mikkâlmâspeeivi lii liähmus te pivvâlis šooŋah pišteh ubâ roovvâd äägi.</li> <li>○ Čuánjá värree máádás já riäská kuárŋu juuhân kuuddâđ.</li> <li>○ Jis čuánjá kirdá nuortâs te puátá kuhes já nyeskis čohčâ.</li> </ul>              |

| <b>Roovvâdmáánu</b>       |  |
|---------------------------|--|
| Roovvâdmáánu 1. okko      | <ul style="list-style-type: none"> <li>○ Mikkâlmâs-okko jotkášuvá. Tovle mikkâlmâsohhoost poodij pisovâš muotâ enâmân.</li> <li>○ Mikkâlmâsoho lávurduv puáhtá suáppuđ vuosmuid rávdukođojoddeid.</li> </ul>   |
| Roovvâdmáánu 2. okko      | <ul style="list-style-type: none"> <li>○ Pirgit-okko. Sarva roovvâd puoh pyeremuš muddoost já šapšâ álgá kuuddâđ.</li> </ul>   |
| Roovvâdmáánu 3. okko      | <ul style="list-style-type: none"> <li>○ Talvii-okko. Tälvi-iijá (14.10) älgih posodiđ tave- já tave-nuortii kalmempiegah.</li> <li>○ Čohčâpuolâšeh älgih ađai ládduuh já ucebeh jávrááh älgih jiäŋŋuđ.</li> <li>○ Njuhčâ já njuuvčuálpás vuolgâdškyettiv máádás.</li> </ul> |
| Roovvâdmáánu 4. okko      | <ul style="list-style-type: none"> <li>○ Uárree-okko. Ursula peeivi (21.10) uárree lii molsom kesituurhâs tälvisoksâmân.</li> <li>○ Tovle ulmuuh kavpâšii uárree naahkijid te Ursula peeivi maŋa tälviturkkâ lái tohálâš vyebdimân.</li> </ul>                               |
| Roovvâdmáánu majemuš okko | <ul style="list-style-type: none"> <li>○ Simmáán-Juud-okko. Kolgo-njâbbi ađai arvešooŋah já pivvâleh, moh jotkášuveh Pyhámestookon.</li> </ul>   |
| Simmáán peivi 28.10.      | <ul style="list-style-type: none"> <li>○ Jis Simmáán peeivi lii pivvâl te lii ubâ tälvi liähmus.</li> <li>○ Jis Simmáán peeivi láá puo loostah koččâm muorâin te talle lii Válburiest pievlâ.</li> </ul>   |

| <b>Skammâmáánu</b>  |  |
|---------------------|--|
| Skammâmáánu 1. okko | <ul style="list-style-type: none"><li>○ Pyhámestokko. Roovvâd nohá Pyhámestpeeivi.</li><li>○ Tovle juoŋâstem aalgij pyhámestohhoost já áálđui paččeem nuuvái.</li><li>○ Šapšái kođo lii puoh pyeremuš muddoost.</li><li>○ Tovlááh anarâšah maccii čohčâkoddepivdoost .</li></ul> |
| Aantipeivi 30.11.   | <ul style="list-style-type: none"><li>○ Talle ko Anarist lijji maijuuh 1800-lovvoost, te maaijuvpivdo aalgij skammâmáánu loopâst.</li></ul>  |

| <b>Juovlâmáánu</b> |  |
|--------------------|--|
| Ubâ juovlâmáánu    | <ul style="list-style-type: none"><li>○ Tovle ulmuuh vuoiŋâstii juovlâmáánust ko lâi nuuvt sevŋâd já puolâš.</li><li>○ Poccuidgin ij tarbâšâm kuáđuttid ko muotâ lâi nuuvt assaa, ete toh pisottellii tiätu soojijn.</li><li>○ Ko lâi asto te ulmuuh kollistâllii tävjibeht ránnjâtááluin.</li></ul> |

Käldeeh:

Anarâš kalender 1996 & 2013 (čokkim Heli Aikio & Ilmari Mattus)

Girjjo-Gárjjo, Muitalusat, máidnásat, sätnevádjaset, árvadusat ja diiddat 2001 (Káren Elle Gaup)